






第二九二册

四庫全書

●上海古籍出版社

本冊目次

元
附考

史(一)
證

明宋濂等奉敕撰
清王祖庚等撰……………一

欽定四庫全書

史部
元史卷一
四

御史臣
徐如澍覆勘

總校官編修臣朱
鈴

御製改譯遼金元三史序

改譯遼金元三史成司事者以序請史無序例也
齊梁陳書及後五代乃有序蓋出於宋臣修史者
初為之飾例也亦足以觀其政之不綱而事之紛
紊也若令三史之請序將比於孰乎曰彼之序皆
序其事而此之序乃序其言則不可以齊梁等比
之矣序其言亦非為之修辭飾說乃改譯漢文譯
其國語之訛誤者至於其國制度之理亂君臣之

欽定四庫全書

御製序

得失未嘗一字易蓋史者信也所以傳萬世垂法
戒彼其時之史或已不能保其必信數百年之後
無庸為之修飾且改譯者不過正其訛誤之語而
其舊史之布天下者自在也讀史者執舊簡而証
以新書則可知語之異而事之同則此序之不可
不作乃所以明吾志也夫春秋一字之褒貶示聖
人大公至正之心若遼金元三國之譯漢文則出
于秦越人視肥瘠者之手性情各別語言不通而

又有謬寓嗤斥之意存焉此豈春秋一字褒貶之為哉向于改譯三史之旨及同文韻統熱河志諸序已屢言之茲不復綴夫遼金雖稱帝究屬偏安元雖一統而主中華者纔八十年其時漢人之為臣僕者心意終未決洽我國家承

天庥命建極垂統至於今百四十年矣漢人為臣僕者自其高曾逮將五世性情無所不通語言無所不曉且今之纂修諸臣即有善通清書兼習諸國字

欽定四庫全書

御製序

之人則茲三史必當及此時而改譯其訛誤者是則吾于遼金元三代實厚有造而慰焉雖然是造非吾造乃

天造我國家重熙累洽而後得此則所以祈

天永命日慎一日之忱惟益兢兢懼乃勝于慰焉云耳

欽定四庫全書

元史

提要

臣等謹按元史二百一十卷明宋濂等奉勅撰洪武二年詔修元史以濂及王禕為總裁二月開局天寧寺八月書成而順帝一朝史猶未備乃命儒士歐陽佑等往北平採其遺事明年二月詔重開史局閱六月書成為紀

欽定四庫全書

提要

四十七卷志五十三卷表六卷列傳一百十四卷書始頒行紛紛然已多竊議迨後來遞相考証紕漏彌彰顧炎武日知錄摘其趙孟頫諸傳備書工世贈官仍誌銘之文不知交刑河渠志言耿叅政祭祀志言田司徒引案牘之語失於剪裁朱彝尊曝書亭集又謂其急於成書故前後複出因舉其一人兩傳者條其篇目為倉猝失檢之證然元史之舛

駁不在於藏事之速而在於始事之驟以後世論之元人載籍之存者說部文集尚不下一二百種以訂史傳時見牴牾不能不參考訂之未審其在當日重開史局距元亡二三年耳後世所謂古書皆當日時人之書也其時有未著者有著而未成者有成而未出者勢不能衆說參定異同考徐一夔始豐稿有重開史局時與王禕書云近代

欽定四庫全書

提要

論史者莫過於曰歷曰歷者史之根柢也至起居注之設亦專以甲子起例蓋紀事之法無踰此也元則不然不置曰歷不置起居注獨中書置時政科遣一文學掾掌之以事付史館及易一朝則國史院據所付修實錄而已其朝制原於史事固甚疎畧幸而天歷間虞集倣六典法纂經世大典一代典章文物粗備是以前局之史既有十三朝實錄

欽定四庫全書

提要

又有經世大典可以參稽厯而成書若順帝二十六年之事既無實錄可據又無參稽之書惟憑採訪以足成之竊恐事未必盡言未必馴首尾未必貫穿也云云則是書之疎漏未經屬草以前一夔已預知之非盡蕪等之過矣惟是事蹟雖難以遽詳其體例則不難自定其孰脫則不難自校也今觀是書三公宰相分為兩表禮樂合一志又分祭祀輿服為兩志列傳則先及釋老次以方技皆不合前史遺規而刪除藝文一志收入列傳之中遂使無傳之人所著皆不可考尤為乖迂又帝紀則定宗以後憲宗以前闕載者三年未必寔錄之中竟無一事其為漏落顯然至於姚燧傳中述其論文之語殆不可曉証以元文類則引其送暢純甫序而互易其問答之辭殊為顛倒此不得妄語無書可檢

矣是則漁等之過無以解於後人之議者耳
解經集有與吏部侍郎董倫書稱元史舛
誤承命改修云云其事在太祖末年豈非太
祖亦覺其未善故有是命歟若夫歷志載
許衡郭守敬之歷經李謙之歷議而并及庚
午元歷之未嘗頒用者以証其異同地理志附
載渚昂霄河源考而取朱思本所釋梵字圖
書分証於下河渠志則北水兼及於盧溝河

御河南水兼及於鹽官海塘龍山河道並詳
其繕繕之宜未嘗不可為考古之證讀者節
取其所長可也乾隆五十四年正月恭校上

總纂官_臣陸錫熊_臣孫士毅

總校官_臣陸費澤

太祖去天啓運聖武皇帝諱穆津姓却特氏蒙古部
人也其十世祖勃端察爾母曰阿倫果幹嫁托木默爾
根生一子長白布南喀塔吉次曰博克多薩勒濟固既

而夫亡阿倫果幹寡居夜寢夢白光自天墜入化為金
色神來趨卧榻阿倫果幹驚覺遂有娠產一子即勃端
察爾狀貌奇異沉默寡言家人謂之癡獨阿倫果幹語
人曰此兒非癡後世子孫必有大貴者阿倫果幹歿諸
兄分家貲不及之勃端察爾曰貧賤富貴命也貲財何
足道獨乘青白馬至巴爾圖敖拉之地居焉食飲無所
得適有蒼鷹搏野獸而食勃端察爾以緝設機取之鷹
即馴狎乃臂鷹獵免禽以為餌或闕即繼似有天相之

居數月有民數十家自騰格哩呼喇之野逐水草來遷
勃端察爾結茅與之居出入相資自此生理稍足一日
仲兄忽思之曰勃端察爾獨出而無齋近者得無凍餒
乎即自來訪邀與俱歸勃端察爾中路謂其兄曰騰格
哩呼喇之民無所屬附若臨之以兵可服也兄以為然
至家即選壯士令勃端察爾帥之前行果盡降之及勃
端察爾歿子巴噶哩台哈必齊嗣生子曰瑪哈多丹瑪
哈多丹之妻曰摩納倫生七子而寡摩納倫性素剛急

欽定四庫全書

元史
卷一百一十五

時雅齊爾部有羣小兒掘田間草根以為食摩納倫乘
車出適見之怒曰此田乃我子馳馬之所羣兒輒敢壞
之邪驅車徑出輟傷諸兒有至死者雅齊爾因忿怒盡
驅摩納倫馬羣以去摩納倫諸子聞之不及被甲往追
之摩納倫私憂曰吾兒不甲以往恐不能勝敵令子婦
載甲赴之已無及矣既而果為所敗六子皆死雅齊爾
遂乘勝殺摩納倫滅其家唯一長孫海都尚幼乳母匿
諸積木中得免先是摩納倫第七子納沁於已喇呼民

欽定四庫全書

元史
卷一百一十五

家為贅婿故不及難聞其家被禍來視之見病嫗十數
與海都尚在其計無所出幸驅馬時兄之黃馬三次掣
套竿逸歸納沁至是得乘之乃偽為牧馬者狀詣雅齊
爾路逢父子二騎先後行臂鷹而獵納沁識其鷹曰此
吾兄所擊者也趨前給其少者曰有赤馬引羣馬而東
汝見之乎曰否少者乃問曰爾所經過有兔鷹乎曰有
曰汝可為吾前導乎曰可遂同行轉一河隈度後騎相
去稍遠刺殺之繫馬與鷹趨迎後騎給之如初後騎問
曰前射兔鷹者吾子也何為久卧不起耶納沁以鼻衄
對騎者方怒納沁乘隙刺殺之復前行至一山下有馬
數百牧者唯童子數人方擊髀石為戲納沁熟視之亦
兄家物也給問童子亦如之於是登山四顧悄無來人
盡殺童子驅馬臂鷹而還取海都并病嫗歸已喇呼之
地止焉海都稍長納沁車已喇呼齊格諸民共立為君
海都既立帥兵往攻雅齊爾臣屬之形勢寔大列營帳
於已喇噶罕河上跨河為梁以便往來由是四傍部族

歸之者漸衆海都殁子拜星呼爾嗣拜星呼爾殁子敦
已該嗣敦已該殁子噶布勒干嗣噶布勒干殁子巴爾
達木嗣巴爾達木殁子伊蘇克依嗣國勢愈盛大伊蘇
克依崩至元三年十月追謚烈祖神元皇帝初烈祖征
塔塔爾部獲其部長特穆津宣懿太后諤楞適生帝手
握凝血如赤石烈祖異之因以所獲特穆津名之志武
功也族人泰楚特部舊與烈祖相善後因塔爾巴哈台
用事遂有隙絕不與通及烈祖崩帝方幼冲部衆多歸

欽定四庫全書

元史

四

泰楚特近侍托多呼爾察者亦將叛帝泣留之托多呼
爾察曰深池已乾矣堅石已碎矣留復何為竟帥衆去
宣懿太后怒其弱已也麾旗將兵躬自追叛者驅其太
半而還時帝麾下綽奇別居薩里河扎木哈克部人托
台奇爾居伊魯格勒泉時相侵凌掠薩里河牧馬以去
綽奇度左右匿羣馬中射殺之扎木哈克以為怨與泰
楚特諸部合謀以衆三萬來戰帝時駐軍都爾本兆蘇
之野聞變大集諸部兵分十有三翼以俟扎木哈克至

欽定四庫全書

元史

五

帝與大戰破走之當是時諸部之中唯泰楚特地廣民
衆號為最強其族昭壘部與帝所居相近帝常出獵偶
與昭壘獵騎相屬帝謂之曰今夕可同宿乎昭壘曰同
宿固所願但從者四百因糗糧不具已遣半還矣今將
奈何帝固邀與宿凡其留者悉飲食之明日再合圍帝
使左右驅獸向昭壘昭壘得多獲以歸其衆感之私相
語曰泰楚特與我雖兄弟常攘我車馬奪我飲食無人
君之度有人君之度者其惟特穆津太子乎昭壘之長
裕勒時為泰楚特所虐不能堪遂與塔海達魯領所部
來歸將殺泰楚特以自效帝曰我方熟寐幸汝覺我自
今車轍人跡之塗當盡奪以與汝矣已而二人不能踐
其言復叛去塔海達魯至中路為泰楚特部人所殺昭
壘部遂亡時帝功德日盛泰楚特諸部多苦其主非法
見帝寬仁時賜人以裘馬心悅之若齊拉家若哲伯若
錫呼噶額布根諸人若多隆吉斯若扎拉爾莽果諸部
皆慕義來降帝會諸族色辰岱酬及色辰伯奇等各以

旌車載漣酪宴于鄂諾河上帝與諸族及色辰伯奇母呼爾察之前共置馬潼一草囊色辰伯奇次母伊伯格勒前獨真一草囊呼爾察怒曰今不尊我而貴伊伯格勒乎疑帝之主饒者實奇爾所為答之遂有隙時皇弟伯勒格台掌帝克呼蘇魯克事

克呼蘇魯克事言野外牧場也

布琳掌

色辰伯奇克呼蘇魯克事布琳從者因盜馬勒伯勒格台執之布琳怒斫伯勒格台傷其背左右欲鬪伯勒格台止之曰汝等欲即復讐乎我傷亦未甚姑待之不聽

欽定四庫全書

元史

六

各持馬乳撞疾鬪奪呼爾察和里察二哈屯以歸色辰伯奇遣使請和因令二哈屯還會塔塔爾部長摩古津掃哩圖背金約金主遣丞相完顏襄帥兵逐之北走帝聞之餘近兵自鄂諾河迎擊仍諭色辰伯奇帥部人來助候六日不至帝自與戰殺摩古津掃哩圖盡虜其輜重帝之麾下有為奈曼部人所掠者帝欲討之復遣六十人徵兵於色辰伯奇色辰伯奇以舊怨之故殺其十人去五十人衣而歸之帝怒曰色辰伯奇曩答我實奇

爾斫傷我伯勒格台今又敢乘敵勢以陵我耶因帥兵踰沙磧攻之殺虜其部衆唯色辰岱酬僅以妻孥免越數月帝復伐色辰岱酬追至圖烈圖之隘滅之克呼部扎寶甘布來歸扎寶甘布者部長王汗之弟也王汗名托里受金封爵為王番言音重故稱王為王汗初王汗之父呼爾察和斯必瑠既卒王汗嗣位多殺戮昆弟其叔父珠爾帥兵與王汗戰逼於哈拉衮隘敗之僅以百餘騎脫走來奔于烈祖烈祖親為將兵逐珠爾走西夏

欽定四庫全書

元史

七

復奪部衆歸于王汗王汗德之遂相與為盟稱為誥達烈祖崩王汗之弟額爾克哈喇忽王汗多殺之故復叛歸奈曼部奈曼部長伊納克齋為發兵伐王汗盡奪其部衆與之王汗走河西回鶻回回三國奔契丹既而復叛歸中道糧絕將羊乳為飲刺索駁血為食困乏之甚帝以其與烈祖交好遣近侍往招之帝親迎撫勞安置軍中振給之遂會于圖喇河上尊王汗為父未幾帝伐默爾奇斯部與其部長托克托戰于瑪尼齊山掠其貳

財田未以遺王汗王汗因此部衆稍集居亡何王汗自以其勢足以有為不告於帝獨率兵攻默爾奇斯部部人敗走托克托奔博囉呼察隘王汗大掠而還於帝一無所遺帝不以屑意會奈曼部長博囉汗不服帝復與王汗征之至克賓克巴克賓之野遇其前鋒額特圖博囉領百騎來戰見軍勢漸逼走據高山其馬鞍轉墜擒之曾未幾何帝復與奈曼部驍將齊蘇實巴爾二人遇會日暮各還營壘約明日戰是夜王汗多燃火營中示人不疑潛移部衆於別所及旦帝始知之因頗疑其有異志退師薩里河既而王汗亦還至國喇河王汗子伊勒哈及其叔扎實甘布來會齊蘇等察知之乘其不備襲虜其部衆于道伊勒哈奔告王汗王汗命伊勒哈與布爾古特共追之且遣使來曰奈曼不道掠我人民太子有四良將能假我以雪恥乎帝頓釋前憾遂遣保爾濟穆呼哩博囉罕齊拉袞四人帥師以往師未至伊勒哈已追及齊蘇與之戰大敗布爾古特已成擒流失中

伊勒哈馬騰幾為所獲須臾四將至擊奈曼走盡奪所掠歸王汗已而與皇弟哈扎爾再伐奈曼拒闕於和倫扎色山大敗之盡殺其諸將族衆積屍以為京觀奈曼之勢遂弱時泰楚特猶強帝會王汗於薩里河與泰楚特部長杭呼等大戰鄂諾河上敗走之斬獲無算哈塔錦部薩勒珠特部都爾本部塔塔爾部鴻吉哩部開奈曼泰楚特皆敗咸不自安會於阿魯泉斬白馬為誓欲襲帝及王汗鴻吉哩部長岱魯忍事不成潛遣人告變帝乃與王汗自呼圖澤逆戰於拜里川又大敗之王汗遂分兵自伊拉哩河而行扎實甘布謀於阿敦愛實伊克托爾等曰我兄性行不常既屠絕我昆弟我輩又豈得獨全乎阿敦愛實池其言王汗令執伊克托爾等至帳下解其縛且謂伊克托爾曰吾輩由西夏而來道路饑困其相誓之語遽忘之乎因唾其面坐上之人皆起而唾之王汗又屢責扎實甘布至於不能堪扎實甘布與伊克托爾等俱奔奈曼帝駐軍於察察爾山起兵伐

塔塔爾部部長敖拉溫都爾等來逆戰大敗之時鴻吉哩欲來附哈扎爾不知其意往掠之於是鴻吉哩歸扎木哈克部與都爾本伊奇拉斯哈塔錦果囉囉塔塔爾薩勒珠特諸部會於捷河共立扎木哈克為楚勒罕盟于圖拉必喇河岸誓曰凡我同盟有洩此謀者如岸之摧如林之伐誓畢共舉足踴岸揮刀斫林驅士卒來侵塔海罕斯在衆中與帝麾下趙爾結為昏姻趙爾偶往視之具知其謀即還至帝所悉以其謀告之帝即起兵

欽定四庫全書

元文
卷一

逆戰於哈里雅爾台和囉噶之地破之扎木哈克走鴻吉哩部來降歲壬戌帝發兵於烏爾呼薩勒扎河伐昂齊塔塔爾察罕塔塔爾二部先誓師曰苟破敵遂北見棄遺物慎無獲俟軍事畢散之及勝族人阿勒坦呼察爾達哩台三人背約帝怒盡奪其所獲分之軍中初托克托敗走博囉呼察監既而復出為惠帝帥兵討走之至是又會奈曼部博囉汗約都爾本塔塔爾哈塔錦薩勒珠特諸部來侵帝遣騎乘高四望知奈曼兵漸至帝

與王汗移軍入塞伊勒哈自北邊來據高山結營奈曼軍衝之不動遂還伊勒哈尋亦入塞將戰帝遣輜重於他所與王汗伊阿蘭塞為壁大戰于吹丹之野奈曼使神巫祭風雪將欲因其勢進攻既而反風逆擊其陣奈曼軍不能戰欲引還雪滿溝澗帝勒兵乘之奈曼大敗是時扎木哈克起兵援奈曼見其敗即還道經諸部之立己者大縱掠而去帝欲為長子卓沁求昏於王汗女趙爾必濟王汗之子托斯和亦欲尚帝女噶沁必濟俱

欽定四庫全書

元文
卷一

不諳自是頗有違言初帝與王汗合軍攻奈曼約明日戰扎木哈克言於王汗曰我與君是白翎雀他人是鴻鴈耳白翎雀寒暑常在北方鴻鴈遇寒則南飛就暖耳意謂帝心不可保也王汗聞之疑遂移部衆於別所及議昏不成扎木哈克乘隙謂伊勒哈曰太子雖言是王汗之子嘗通信於奈曼將不利於君父子君能加兵我當從傍助君也伊勒哈信之會達哩台呼濟爾阿勒坦等叛歸伊勒哈亦說之曰我等願佐君討宣懿太后諸

子也伊勒哈大喜遣使告王汗王汗曰扎木哈克巧言
寡信人也不足聽伊勒哈力言之使者往返者數四王
汗曰吾身之存實太子是賴艷鬚已白遺骸冀得安寢
汝乃喋喋不已耶汝善自為之母貽吾憂也扎木哈克
遂縱火焚帝牧地而去歲癸亥王汗父子謀欲害帝乃
遣使者來曰向者所議嫺事今當相從請來飲布輝察
爾布輝察爾華
言許親酒也帝以為然率十騎赴之至中道心有所
疑命一騎往謝帝遂還王汗謀既不成議舉兵來侵圍

欽定四庫全書

元文

三

人齊里克齊聞其事密與弟巴達告帝帝即馳軍阿蘭
塞悉移輜重於他所遣哲哩木為前鋒俟王汗至即整
兵出戰先與珠勒根部遇次與董阿部遇又次與浩爾
實勒們部遇皆敗之最後與王汗親兵遇又敗之伊勒
哈見勢急突來衝陣射之中類即飲兵而退於是奇味
部人棄王汗來降王汗既敗而歸帝亦將兵還至棟格
澤駐軍遣阿里哈致責於王汗曰君為叔父珠爾所逐
困迫來歸我父即攻珠爾敗之於河西其土地人民盡

收與君此大有功於君一也君為奈曼所攻西奔日沒
處君弟札實甘布在金境我遣人召還比至又為黠爾
奇斯部人所逼我請我兄色辰伯奇及我弟岱酬往殺
之此大有功於君二也君困迫來歸時我過哈達拉歷
掠諸部羊馬貨財盡以奉君不半月間令君饑者飽瘠
者肥此大有功於君三也君不告我往掠黠爾奇斯大
獲而還未嘗以毫髮分我我不以為意及君為奈曼所
傾覆我遣四將奪還爾民人重立爾國家此大有功於

欽定四庫全書

元文

三

君四也我征都爾本塔塔爾哈塔錦薩勒珠特鴻吉哩
五部如海東驚禽之於鵠鴈見無不獲獲則必致於君此
大有功於君五也是五者皆有明驗君不報我則已今
乃易恩為讐而遽加兵於我哉王汗聞之語伊勒哈曰
我向者之言何如吾兒宜識之伊勒哈曰事勢至今日
必不可已惟有竭力戰鬪我勝則并彼彼勝則并我耳
多言何為時帝諸族阿勒坦呼濟爾在王汗左右帝因
遣阿里哈謂責王汗就令告之曰昔者吾國無主以色

辰岱酬二人實我伯祖巴勒噶特之裔欲立之二人固辭乃以汝呼濟爾為伯父訥袞之子又欲立之汝又固辭然事不可中輟復以汝阿勒坦為我祖呼都拉之子又欲立之汝又固辭於是汝等推戴吾為之主初豈我之本心哉不自意相迫至於如此也三河祖宗肇基之地毋為他人所有汝善事王汗王汗性無常遇我尚如此況汝輩乎我今去矣我今去矣阿勒坦等無一言帝既遣使於王汗遂進兵虜鴻吉哩別部尼勒堅行至班

欽定四庫全書

元史

卷五

朱爾河水方渾帝欽之以誓衆有伊奇喇斯部人布圖者為果囉囉部所敗因遇帝與之同盟哈扎爾別居哈拉衮山妻子為王汗所虜挾幼子托歡走糧絕探鳥卵為食來會于河上時王汗形勢威強帝微弱勝敗未可知衆頗危懼凡與飲河水者謂之飲渾水言其曾同艱難也王汗兵至帝與戰于哈喇克沁沙圖之地王汗大敗阿勒坦呼濟爾扎木哈克等謀殺王汗弗克奔奈曼達理台巴林等部稽顙來降帝移軍鄂諾河源謀攻王

汗復遣二使往王汗偽為哈扎爾之言曰我兄太子今既不知所在我之妻孥又在王所縱我欲往將安所之耶王儻棄我前愆念我舊好即束手來歸矣王汗信之因遣人隨二使來以皮囊盛血與之盟及至即以二使為向導令軍士銜枚夜趨徹辰圖山出其不意襲攻王汗敗之盡降克噶部衆王汗與伊勒哈挺身遁去王汗嘆曰我為吾兒所誤今日之禍悔將何及王汗出走路逢奈曼部將遂為其所殺伊勒哈挺走西夏日割掠以自

欽定四庫全書

元史

卷五

資既而亦為西夏所攻走至龜茲國龜茲國主以兵討殺之帝既滅王汗大獵於特默格川宣布號令振凱而還時奈曼部長延汗心忌帝能遣使謀於巴達勒達部主阿魯哈斯曰聞東方有稱帝者天無二日民豈有二王耶君能益吾右翼吾將奪其孤失也阿魯哈斯即以此謀報帝帝居無何舉部來歸歲甲子帝大會於特默格川議伐奈曼羣臣以方春馬瘦宜俟秋高為言皇弟鄂齊錦曰事所當為斷之在早何可以馬瘦為辭伯勒

格台亦曰奈曼欲奪我弘矢是小我也我輩義當同死
彼恃其國大而言誇苟乘其不備而攻之功當可成也
帝悅曰以此衆戰何憂不勝遂進兵伐奈曼駐兵於心
達罕山先遣呼必哩哲伯二人為前鋒迪延汗至自阿
勒台營於杭愛山與默爾奇斯部長托克托克呼部長
阿林台實衛喇特部長呼圖克伯奇暨都爾本塔塔爾
哈塔錦薩勒珠特諸部合兵勢頗盛時我軍羸馬有驚
入奈曼營者迪延汗見之語衆曰蒙古馬瘦如此今當

欽定四庫全書

元史

十六

誘其深入然後戰而擒之其將呼圖蘇伯奇對曰先王
戰伐勇進不回馬尾人背不使敵人見之今為此遷延
之計得非心中有所懼乎苟懼之何不令后妃來統軍
也迪延汗怒即躍馬索戰帝以哈扎爾主中軍時扎木
哈克從迪延汗來見我軍整肅謂左右曰奈曼初舉兵
視蒙古軍若牯羝羔兒意謂蹄皮亦不留今吾觀其氣
勢殆非往時矣遂引所部兵遁去是日帝與奈曼軍大
戰至晡禽殺迪延汗諸部軍一時皆潰夜走絕險墜崖

死者不可勝計明日餘衆悉降於是都爾本塔塔爾哈
塔錦薩勒珠特四部亦降已而復征默爾奇斯其長托
克托奔迪延汗之兄博羅汗其屬岱爾謬遜獻女迎降
俄復叛去帝至台哈寨遣博爾歡錫伯二人領左右軍
平之歲乙丑帝征西夏拔拉伊哩寨經羅索城大掠人
民及其索馳而還

欽定四庫全書

元史

十七

元年丙寅帝大會諸王羣臣建九旂白旗即皇帝位於
鄂諾河之源諸王羣臣共上尊號曰青吉斯皇帝是歲
實金泰和之六年也帝既即位遂發兵復征奈曼時博
羅汗獵於烏爾圖山禽之以歸迪延汗子庫楚類汗與
托克托奔雅爾達實河上帝始議伐金初金殺帝宗親
罕布海汗帝欲復讐會金降俘等具言金主璟肆行暴
虐帝乃定議致討然未敢輕動也
二年丁卯秋再征西夏剋衛喇喀城是歲遣阿勒坦保
刺二人使哥爾濟蘇既而伊德爾訥呼部阿勒達爾部
皆通使來獻名鷹

三年戊辰春帝至自西夏夏避暑龍庭冬再征托克托及庫楚類汗時衛喇特部等遇我前鋒不戰而降因用為向导至雅爾達實河討黠爾奇斯部滅之托克托中流矢死庫楚類汗奔契丹

四年己巳春輝和爾國來歸帝入河西夏主李安全遣其世子率師來戰敗之復其副元帥高令公剋烏梁海城俘其太傅西壁氏進至克夷門復敗夏師獲其將威明令公薄中興府引河水灌之堤決水外潰遂撤圍還

欽定四庫全書

元史
卷一

遣太傅額特入中興招諭夏主夏主納女請和

五年庚午春金謀來伐築烏沙堡帝命哲伯襲殺其衆遂略地而東初帝貢歲幣于金金主使衛王允濟受貢於靜州帝見允濟不為禮允濟歸欲請兵攻之會金主璟阻允濟嗣位有詔至國傳言當拜受帝問金使曰新君為誰金使曰衛王也帝遽南面唾曰我謂中原皇帝是天上人做此等庸懦亦為之耶何以拜為即乘馬北去金使還言允濟益怒欲俟帝再入貢就進場害之帝

知之遂與金絕益嚴兵為備

六年辛未春帝居吉魯爾河西域哈刺婁部主阿爾斯蘭汗來降輝和爾國主伊都呼來覲二月帝自將兵南伐敗金將達實於野狐嶺取大水灤豐利等縣金復築烏沙堡秋七月哲伯攻拔烏沙堡及烏月營八月帝及金師戰于宣平之會河川敗之九月拔德興府居庸關守將遁去哲伯遂入關抵中都冬十月襲金羣牧監驅其馬而還耶律阿哈降入見帝于行在所皇子卓沁察

欽定四庫全書

元史
卷一

罕台訥格德依分徇雲內東勝武朔等州下之是冬駐蹕金之北境劉伯林兀爾佳常格等來降

七年壬申春正月耶律瑠格聚衆于隆安自為都元帥遣使來附帝破昌桓撫等州金將赫舍哩糾堅等率兵三十萬來援帝與戰于雅克贊大敗之秋圍西京金元帥左都監鄂通襄率師來援帝遣兵誘至密谷口逆擊之盡殲復攻西京帝中流矢遂撤圍九月察罕剋奉聖州冬十二月甲申哲伯攻東京不拔即引去夜馳還襲